

保賢齋文錄卷下

仁和趙

坦寬夫

蔣孝子傳

孝子姓蔣名袁慰字直夫號若谷仁和人質朴有至性少孤母氏袁教養之迨入塾人或遺之果餌輒懷歸娛母既冠補諸生授經里中乾隆乙酉舉於鄉交遊益眾其懷歸娛母如初母或疴癢輒手自抑搔之嬉戲如嬰兒母亦以嬰兒畜之積六十年如一日於是人皆呼爲孝子孝子云某歲孝子寢疾病其弟子馬履泰走問疾既出戶曰夫子殆不起矣如槁木矣哭而歸李謹墀曰

孝子必不死孝子誠於事母母在孝子必不死且先母而卒非天所以待孝子疾果瘳迨母卒悲號亦若嬰兒然時民俗喪禮多廢闕孝子獨行喪奠禮嘗衣舊絮袍母爲紉綴之母卒棄於笥歲時服以祭輒諦視而哭年六十七卒葬西湖之九里松孝子居郡城凌家橋東巷窄屋甚卑積脩脯購隙地爲母立貞節坊己酉冬鄰人不戢於火比屋皆燼其廬與坊獨存李謹墀曰孝子髫齡時與余同塾一日師未至他弟子有倚師位立者戒曰此卽不敬慎之其異於人者殆天性然歟

丁魯齋先生傳

先生姓丁名傳字希曾號魯齋錢塘人處士敬身君之次子敬身君能詩工篆隸往來皆名賢先生少而穎敏獲聞緒論旁搜博覽無不通貫尤邃於經弱冠補諸生屢試不售遊閩遊粵皆不遇旣歸益研經術鈎剔抉摘穿穴窾奧不束縛於漢魏諸儒之說故所著多巉險奇闢見者憎服嘗作三代姓原其略云夏之姓妘妘从以篆文作龍蛇之象龍蛇者水象也禹治水地平天成故賜姓曰妘漢人好談讖緯多尙怪僻乃曰禹母吞薏苡而生禹故姓妘意欲神其事而反失錫姓之鉅典矣商之

姓子子者人子也契爲司徒掌五教人倫之間先動以天則敷教也神天倫之中又先之以盡子職則敷教也簡君臣也父子也夫婦也昆弟也朋友也莫不從人子起也子職盡則四者自盡矣是故求忠臣者必于孝子之門不順乎親者不信乎朋友父母順者必妻孥樂兄弟翁挈領提綱未有不先乎子職者契之敷教者先乎子故其錫姓也亦以子如云契之母吞鳧卵而得子故姓子彼夫沃民所食且有鳳之丸矣何以沃之民無姓子者乎又史記載者簡狄一人呂覽載者有娥二女或曰臺居或曰澗浴好事輩且中心疑而其辭支子何庸

辨周之姓姬卽頤字之省也當洪水橫流之時草木暢茂焉得五穀以養萬民稷自匍匐克就口實及使教稼種黃茂于豐草若有相焉者糜芑秬秠皆天降之嘉種噫異矣帝曰黎民阻飢汝后稷播時百穀而艱食鮮食之民莫不鼓腹而遊含哺而嬉故曰頤者養也聖人養賢以及萬民者也周禮饕人掌其齎盛而故書饕作饒从臣爾雅釋宮東南謂之宦李巡曰宦之爲言頤也養也宦亦从臣臣爲說文部首之一卽此姬字之所从耳然則錫姓曰姬者非謂其烝民乃粒受之以頤之意也歟晉語言黃帝以姬水成爲姬姓水經竝無姬水子產

言臺駘能業其官宣汾洮障大澤帝用嘉之封諸汾川然未嘗以水爲姓何黃帝獨以水姓乎姬姓之始斷非黃帝實始后稷矣其遊閩也謂閩俗方言迥異蒞其土者不審其音輒爲吏胥所紿獄訟多屈抑死欲請於督學使者令諸生各書其土之俚諺條繫目解輯爲一書名曰八閩方言其遊粵也謂大庾嶺綿亘數十里崔嵬險澁旁無林木炎暑道暍行者艱苦欲植榕樹數萬株以休行旅又謂世之作寓錢紙鏹者日趨無益當驅之歸於農所言皆經濟有法惜未有上其議者先生性剛直惡惡不少假然喜揚人善常奮然曰穀梁子不云乎

心志旣通而名譽不聞友之罪也嘉慶四年卒年七十八著述凡數百卷藏其橐於外孫趙泰家泰嘉慶癸酉科舉人

朱徵君傳

擬作呈阮雲臺先生

余在京師卽耳朱徵君名及視學兩浙首延見論相契也然余不敢以文墨勞君君亦雅自遠不數見時

朝廷開孝廉方正科郡縣以名上君固辭余益高其爲人君名彭字亦錢錢塘人少嗜詩得唐人集把誦不手釋彭文勤公以閣學士督學浙江錄君詩補博士弟子員屢試場屋不售遂游江南登鍾山泛江覽金焦諸勝已客江陰拜吳季子墓歸自是詩益工從游益衆其執友爲莫灘山灘單斗南炤楊令儀元凱江抱村清宋左彝大樽倘佯湖山閒杖策吟哦不以世態榮辱介意者

三十載晚乃哀集所爲詩得十四卷曰抱山堂集詩餘若干卷曰湖船簫譜詞武林山水秀甲寰宇自南宋建都宮室園亭伽藍精舍遠近林立又若公卿大夫之所留題騷人逸士之所寄寓足爲文獻者在在而有顧志乘脫略遺聞散佚乃慨焉遐搜徧閱古籍抉摘碑刻訪諸耆舊爲南宋古蹟攷十六卷武林談藝錄若干卷書垂成毀於火已復求吳越國錢氏舊蹟爲吳越古蹟攷若干卷書畫所見錄若干卷藏於家君豐頤廣額叢眉目睽睽多須髯與人交藹然可接或干以非義面斥不少假每道故舊知識娓娓不置同里詩人徐逢吉墓在三

台山南麓訪得之請於余爲立墓碣詩宗少陵復出入輞川襄陽及南北宋諸大家陶鎔變化涵蘊神髓年七十三卒時嘉慶八年八月四日也君本馬姓少育於外家朱氏遂冒其姓號青湖子二棫壬皆能詩論曰詩人多浮薄徵君獨以長厚稱殆所謂溫柔敦厚者歟閒居著書爬羅刺擇貫穿羣籍足備掌故竟燬於火惜哉聞其弟子徐生鉞曾手錄宮室考一卷至今僅存云

齊云  
 大謝遺書其類于翁至始會于魏宮空  
 許州問風香書以羅陳尋實率前以謝  
 論曰詩人多寄新婦母以耳耳謝公  
 宗宋且慈目其致無青勝于二謝主皆  
 十三卒謝靈運八平八日四日世傳本  
 謝川襄陽又南江宋謝靈運少謝靈運  
 台山南謝靈運少謝靈運少謝靈運少

朱倚亭先生傳

昔東漢馬少游嘗曰士生一世但取衣食裁足乘下澤  
 車御欵段馬為毳掾吏守墳墓鄉里稱善人斯可矣斯  
 言也後世恬淡之士咸尊之然愚嘗疑焉萬石君建陵  
 侯皆以醇謹稱位至卿相列侯唐權文公為元和宰輔  
 天下推為鉅人長德其卒也上下弔哭皆曰善人死矣  
 是善人不必盡在鄉里朝宁亦時有焉少游曷為為是  
 說乎孔子曰邦有道貧且賤焉耻也子輿氏曰居天下  
 之廣居立天下之正位行天下之大道得志與民由之  
 不得志獨行其道士大夫之出處審乎其時耳焉能匏

繫而不食得時行志公卿之位不必辭不得行其志邑令之職奚美焉世不有困於簿書疲於酬接坐堂皇以鞭笞爲恒事者乎吾烏知其不有逆於法違於理日溺於殘酷而不自知耶此有識者之所以安於貧賤而有所不居以自全其心也餘姚有隱君子曰朱倚亭先生嘗戒其子文治曰讀書以立品爲先文藝次之科名又次之汝幸登賢書此祖宗遺澤異日慎毋作吏使小不經心歷世之德隳於一朝也文治志之不敢忘就海寧州學正十餘年引疾去學正君語坦曰吾父性孝友少年以親老廢學業負易甘旨無少闕乾隆乙未祖母願

太孺人高年病劇吾父與三叔父宏聲公竝剖臂肉以進不相謀也且秘其事迨祖母歿而臂潰家人始知之吾父有姊適沈氏無子而寡迎養於家家中食指三十餘人生計促兄弟四人同爨無間言凡四十載乾隆甲寅七月二日卒年六十有四先生名金鏗字警寰倚亭其號也子二長文治戊申科舉人次文浩國學生孫七人森蘭嘉慶己卯同舉於鄉餘五人皆以儒爲業先生以嘉慶己巳

覃恩貤贈如其子之官嗚呼若先生者殆古所謂歸真返璞終身不辱者歟



單華藏先生傳

華藏先生隱于禪者也隱于禪終于禪世遂以禪歸之不知先生之志固未嘗禪也歐陽子曰曼卿隱于酒祕演隱于浮屠彼其人皆有出世之才鬱而不宣則託于物以洩其魄磊如以為性實使然則吾未聞邃于學而甘于自放者先生名炤字斗南華藏其別號也世籍富陽少失學年十九始讀書郡城未逾年應督學使者試錄第一補學官弟子員嘗為歙縣鮑君廷博序知不足齋叢書韓城王文端公讀之奇其文默識其名乾隆丁酉公督學浙江欲以選拔貢生屬先生以有所遜讓辭

不赴益研究河防兵制禦盜諸術靡不通貫嘗曰丈夫居世達則以文武濟窮則探聖賢心性之功以自勵斯不虛此生矣善析理人有以經史疑義質正者引類觸發貫徹奧蘊若巖穴之忽闢水之出峽夜行之獲燈然令聞者悅懌而去然卒不遇乃隱于禪於是一時名公卿皆就先生談禪不復問先生志年七十一卒葬西湖之仙芝嶺先生舉子輒殤以族人子祿爲嗣門弟子哀其遺文得若干卷曰小安養齋集

### 錢枕山先生傳

先生姓錢名選字一青號枕山海寧人少孤入吳山重陽盦爲道士性穎敏精天文步算六壬祿命葬宅諸術而於儒書心尤喜研究不輟嘗夢入講室有若名師碩儒者憑几而坐爲析詩鳶飛戾天魚躍于淵云鳶陽中之陰魚陰中之陽鳶與魚翱翔遊天地間各極其性而日恆相注射陰陽交感之理蓋如是覺而異之識其事由是讀書無不通曉嘗曰身心性命學畢具於論語究經濟權變莫若春秋左氏傳養性情資於詩窺天地之奧取於易其他皆經之羽翼也與人交歷久不變所論說

多儒家言少壯時思有為於世然無援引之者竟不偶  
 閒為詩渾厚跌蕩出入少陵嘗為省親移家諸詩真摯  
 懇惻汪徵君沆亟賞之所著有枕山樓吟藁若干卷嘉  
 慶丁卯年七十五卒坦之祖又朋公喜易學先生時從  
 又朋公游坦之父又時與先生游至坦凡三世皆獲承  
 言論云

山外論書心火喜得空不與嘗夢人精室育苦各相  
 謝宜欲談士卦應難談天支志真六壬新命義字精  
 天志故疑各異字一書難林山就益人少亦人吳山甫  
 給然山武主

張崙發先生傳

先生名淦字崙發號雪濤晚號槩查老人姓張氏仁和  
 人系出南宋循王後性孝友年十三父玉田遊河南先  
 生念跋涉勞苦遇烈日甚雨恆露立隙地曰此正吾父  
 戴日冒雨時吾何敢屋處年十六補諸生是歲為乾隆  
 辛未越數年遊甘肅遊廣東公卿交辟掌書記又二十  
 年遂入雲貴總督福公康安幕繼入閩浙總督富公勒  
 渾幕是時

高宗純皇帝明聖照天下督撫臣奏疏有不當  
 上意者輒令明白迴奏督撫臣兢兢不敢自專決有疏

奏必與幕中士反覆審議而後行先生穎敏博達伸豪  
布紙數千言頃刻立就雖冠帶滿座不少沮又喜口授  
他人書如熟讀背誦者然書者迅疾追之莫能及以先  
生所條畫入奏輒報可名公卿益契重不置遊歷幾遍天  
下先生凡四入福公幕壬寅歲福公報掌書院又二十  
召對熱河和晉回館呈試年十六辭館中具疏欲就  
高宗純皇帝問幕中士福公以先生姓名對丁未福公  
出師臺灣延與俱事平將薦諸十三父王田遊回南  
朝先生曰僕此行所以報知遇非求富貴也力卻之其  
在富公幕也議論不協先生厲聲瞋目剖決是非務使

其事當理而後止其後富公以事下刑部獄先生走京  
師問訊握手欷歔相對累日最後應兩廣總督覺羅吉  
公慶聘佐吉公平苗有功奏請

賞給七品中書銜奉

硃批再加一品亦不妨欽此旋奉

上諭貢生張淦隨營辦事出力念其年老已照所請加  
一等賞給六品頂戴欽此自是先生心力益瘁抱疾旋  
里不復出榜其所居曰櫟查以見志嘉慶戊辰年七十  
三卒雅嗜吟詠著有之萬集四卷藝苑叢談二卷子春  
煦迎煦春煦國子監生早卒迎煦邑諸生亦以平苗功

授訓導 今任定海縣教諭遷知縣

三 卒 振 節 含 痛 海 濱 泣 血 哀 國 空 懸 故 業 短 三 卷 子 存  
聖 不 更 出 越 其 故 國 曰 縣 查 以 民 志 慕 德 與 辛 十 十  
一 卷 實 命 大 品 而 獲 為 此 自 是 決 坐 心 代 益 衰 靡 幾 滅  
王 命 貢 主 氣 必 離 營 職 事 出 代 念 其 辛 勞 曰 照 祖 訓 賦  
稱 謝 再 賦 一 品 亦 不 敢 於 此 致 奉

公 勤 勤 益 吉 公 平 節 節 亦 亦 奏 請  
國 同 恩 戮 手 為 楚 爾 楚 泉 日 景 參 熟 兩 齋 縣 曾 登 畢 吉  
其 事 當 聖 而 多 也 其 為 高 公 以 事 不 同 海 禁 武 士 去 京

羅一林先生傳

先生姓羅氏名煜字丙宸一林其號也錢塘人生二歲  
父簡臣官居庸關稅課使歿于任既歸里奮自力學通  
法家言性伉直能任事宦于浙者皆爭聘先生入幕府  
咸有績杭州地濱海饒鹽然皆煮自場竈販夫擔之以  
售于人不設鹽鋪有漁利者議裁肩販置鹽鋪先生謂  
竈日煎販夫日售竈無私積販獲餘利絕私鹽平市價  
莫善于此然且慮附近場竈居民別有私弊故復配老  
少鹽總期肩販鹽價賤無藉食私所以歷年既久各安  
然樂業無犯禁者今一旦設鹽鋪建倉積貯按期掣驗

在竈戶之日煎日配者阻其見錢出入在鋪戶則掣驗有費運腳有費賃屋薪米其費胥從鹽出是鹽價倍增課稅無裨且令千百肩販遽然失業將何策以處此是時鹽運使司經歷陳君庭實以先生言上白事遂寢嘗與某公善某公怒其子不檢束欲陪之子匿不敢見先生曰爾無然吾偕爾見爾父且出真摯語以相感某公意解起謝曰非君言吾骨肉幾無以全遂與先生約爲兄弟壯歲會遊關中時念母氏不釋遂還歸自是遊不出境者凡三十年家居恆自節嗇而以其餘分宗黨間嘉慶十九年十二月二十二日晨起就醜遽得疾命焚

香夜半閉目而逝先生廣顙豐頤多髭鬚色蒼赭其將沒也氣蓬勃如醺云春秋七十有六趙坦曰先生與吾父交最深坦之給郡庭事也先生曰是子喜讀書迫于勢而爲此吾必有以拯之命其子開坦綜坦事坦由是始壹志于書

陳豫鍾傳

陳豫鍾字浚儀自號秋堂錢唐人少讀書補諸生酷嗜篆隸學凡商周彝鼎盤匜尊壘卣斝盃敦琕戈劒弩諸款識以及周宣獵碣始皇石刻下迨漢魏六朝瓦當瓿甌畫象誌銘莫不心摹手擬神與古契故其爲書蒼雅圓勁凌轢一時間或作飛白書如古松之夭矯如浮雲之舒卷如微風之行乎水上而清漣轉旋曲折莫定其他行楷悉有致乾隆初丁徵君敬身以分隸印章名海內無有繼之者自豫鍾出而摹印之學復顯嘉慶七年浙江巡撫儀徵阮公旣作文廟樂器復鑄鐘將爲銘

命豫鍾摹古文以勒既成公嘆賞招之不往年四十五  
以疾卒葬西湖白沙泉之側摹印之學其顯嘉慶八年  
山石斷悉有煙瘴剝下燧古始長以公精印章各  
之拾卷吹燧風之石平水土而前數轉或曲流莫安其  
圓疑或變一却間或於灰白書或古公之天或或乳書  
膺畫象諸發莫不心摹手跡輒與古楚始其為書蘇祥  
姓蕭以父國宣徽國故皇不依下並其殿六障月當胎  
象轉學以商周彝鼎並西尊學自羊盃涼既又或或  
刺新輪字或謝自識林堂幾曾入少齋書蘇書主相  
刺新輪字

### 保贊居士傳

居士家於城西嘗得古贗數十多晉代文字保之不釋  
因以自號少嗜讀書刻志勵學補諸生已而無所獲乃  
舍去或曰居士沈寂人也與人交落落寡合言不當意  
輒辭去或曰居士非忘情富貴者不得志故悴居士聞  
而笑曰然吾將以是為鍼砭性愛山水髻齒時命老僕  
負以游城陰見遠山橫列古樹紛披欣然忘歸既壯鍵  
戶讀書遂與山水曠隔復自嘆曰何為自苦吾將率吾  
素志家有藏書數千卷金石碑碣之屬六七百思以經  
術古文辭自樹立故矻矻不忍置



陳古文稱曰樹立為節不惑節之入性也  
崇古守節有節書禮十卷金百餘兩之觀六人自思以  
可節書送與山水觀節自節曰回節自苦節率苦  
負以然然節見盡山節節古樹節林節然志節節林節  
而美曰然然節以長節節節節山水節節節節節節  
陳節去節曰節士非志節節節節節節節節節節節  
舍志去節曰節士此節人節節人節節節節節節節節  
因以自節節節節節節節節節節節節節節節節節  
節士節節節節節節節節節節節節節節節節節節  
節節節節節節節節節節節節節節節節節節節節

靜海烈女傳

靜海烈女傳

烈女直隸靜海人也失其姓氏家貧鬻於人遂誤落樂  
陵倡婦家年及笄姿容明靚見者驚異倡得之喜甚為  
之市珠珥綺羅且教之度曲彈箏女睇之輒泣下叀何  
有貴客至欲見之不可強之女大恚曰我卽鬻於人安  
肯以皦潔之身冶容取媚娛貴公子耳目耶死弗從  
也言已哭哭且詈倡勃然怒一室之人皆勃然怒鞭撻  
日相尋女終不顧也於是劫而置諸大坎中曰不吾從  
將尸汝女厲聲曰死固幸甚又何求第得尺布掩吾面  
使吾耳目中不含垢污吾死且幸甚又何求遂鋪土埋

諸坎其旁舍有聞之者將訟諸官會倡以暴疾死事竟寢乾隆四十八年某月日錢塘李丈謹墀歸自樂陵述其事云  
論曰自古良女子流落狹斜閒者不可一二數求其儼然若冰雪守志不回卒底於死者可多得哉若此女者誠足風矣獨是  
國家不惜帑金爲天下貞烈女旌閭崇祀而此尙在泯沒閒無有爲之上聞者可哀也夫

莊母石夫人家傳

夫人姓石氏四川按察使諱杰第六女也石氏爲嘉興望族夫人幼嫻內則端靜寡言以淑女稱年十九來嬪胥園公時公之尊人觀察臺灣著廉聲家不儲擔石公刻志勵學不暇問生業夫人服飾儉素躬自操作時或不給輒典匳篋以贍未嘗使公知以故公得遂于學乾隆癸酉捷北闈辛巳補瑞安教諭是歲公以伯氏之季子爲嗣命曰孟方夫人撫之如己出甲午公以膺薦累擢至雲南永北同知將行公泫然曰吾祖及考殯久矣以貧故兩世未克葬今遠宦萬里可若何夫人曰君行

爾君未可以家事辭王事窳窳之勞妾任之且從子謚才素優兆域封事妾率以營之行矣毋憂也乃卜吉於吳門支硎山之陽窆土而敬窆焉己亥公以廣南守遷迤南道以事落職遂出塞是歲佐筮戴宜人生仲方於滇甲辰公補撫民同知越十二載累遷至廣東布政使卒于官夫人哀痛盡禮歸葬公於祖塋之西而自營生壙於其右祠宇祀田於是乎畢具自公以經術起家中更艱險復登顯仕夫人一以朴儉自持其治家多識大體當公之爲塞北撫民同知也夫人南旋僦居常熟是時仲方甫五齡羸弱多疾邑無良醫夫人乃挈以就診

於數百里外朝夕擁護不釋手或以勞苦致辭者夫人則泣而言曰吾且老非不自愛顧夫子方遠宦孟方暨是兒之生母吾又遣侍夫子吾不任撫育責將奚屬設撫育有未至何以對夫子吾自瘁耳又奚諉嘉慶十年八月二十九日卒春秋七十有七

誥封恭人例封夫人子二孟方某官仲方廕中書孫四孫女三曾孫三曾孫女二夫人性嗜潔雖寢疾猶朝夕醜沐不徹屬纊之際神氣澄澈如平時其靜益有素

云

哭者 李母呂孺人家傳

孺人呂氏餘杭人幼聰慧喜讀書年及笄適仁和李公  
觀臣公會客餘杭至是遂家焉居有頃孺人謂公曰君  
之兄嫂居郡城貧約甚君又寡兄弟何爲索居乎公乃  
迎兄嫂共處焉凡服飾飲食孺人必先奉兄公妯婦而  
後及己人問之則曰吾不逮事吾舅姑吾能善事吾夫  
之兄嫂庶舅姑于九原無憾乎久之觀臣公復遷居郡  
城其外家堅留孺人不忍別孺人曰吾非不欲與骨肉  
時相聚然女子有行遠父母兄弟詩固云然矣遂行越  
數載觀臣公失業家遂耗孺人鍼黹不少暇燈前兼課

其子嘉慶乙丑子景蓮補仁和縣學生是歲某月日孺人以積勞成疾卒春秋五十有三孺人之疾亟也景蓮刲臂上肉和藥以進且請曰某氏有良櫬制久矣今以衣食故迫求售兒請于父矣將以是奉母孺人伏枕言曰吾婦人不能以德及人將死而奪人櫬以爲櫬吾不忍爲此也且其人年已耄汝何爲而忍奪之乎彼廉其值乃一時見耳萬一追悔不重傷彼心汝家素寒儉古人有言曰斂手足形稱其助斯之謂禮必不可孺人性慈厚處困境撫其從子輩逾已子卒之日家中人環而哭皆慟

書汪氏兩節母事

蕭山汪君輝祖孝行君子也少孤其繼母王孺人暨生母徐孺人實養教之輝祖喪父甫十一齡爾徐孺人欲以身殉王孺人挈輝祖于柩前哭曰死者有知目睹期望藐孤成立而與我可一死塞責乎乃止當是時家徒壁立禍釁迭起兩母保輝祖惟謹不逞者至悉婉解之輝祖每暮自鄉塾歸徐孺人篝燈整書冊令朗誦躬紡車坐其旁王孺人就明紉鍼補綴誦聲流美則兩母喜相語或齒棘舌澁斷續無次徐孺人瞿然曰兒必不守傳約就同塾兒嬉戲書不成誦竟若此怫然起奉朴王

孺人前曰兒太嬌癡不撻習爲常語未已涕泗下哽咽不成聲王孺人則持朴令輝祖跪淚泫泫哭且謂曰好好讀慎勿舍書嬉輝祖哭謝掖之起卒不撻嗚呼世亦知兩母之心之苦乎蓋不撻則懼其業荒責之嚴期之迫或不幸而致疾惟其欲成之又恐或傷之此汪氏絕續之繫盛衰之機兩母之苦心深慮也余故表而出之汪君字煥曾號龍莊某年舉于鄉某年成進士知湖南宜遠縣以循良聞父名楷字南有碩德長者雍正閒曾爲淇縣典史云

書貞女張素雲事

世有謂女子許字而夫死矢志不嫁爲過於情而非禮之正者其說曰女子未昏則夫婦之禮不備不備則義輕故禮經無不嫁之文且夫婦之禮未成而我爲之服終其身以不字矯情立異其去不待父母之命而自爲媒者有幾坦聞而折之曰使此說行則天下萬世皆將薄於義而夫婦之道疎矣禮曾子問曰取女有吉日而女死如之何孔子曰壻齊衰而弔既葬而除之夫死亦如之注云斬衰往弔禮經之文如此夫既葬而除者以其未成昏也斬衰而往弔者存夫婦之義也其不著明

嫁與不嫁者聖人固不以守義強人亦不禁人弗爲殆  
欲人之自盡其道焉耳此聖人之深心也且許嫁之命  
非出於父母乎吾知守其初而已吾何容心于其閒也  
哉而必欲淡焉忘之若秦越人之不相戚則且背經寔  
甚○仁和女子張素雲名淑文出信令之女也讀  
書識大義幼許字同里李岱松越十餘載岱松以瘵疾  
卒女聞訃致辭於父母曰兒生不辰罹此禍夫復何言  
雖然兒之身父母之身也兒不敢傷志則兒之志也幸  
勿奪自後屏鉛華絕綺麗素食默處越一載以疾卒其  
弟薇垣述其事以乞言坦嘉其義爲書其事且辯其守

義之合於禮經者有如此

本生考中和府君行述

府君諱熙字中和錢塘人又朋公次子弱歲又朋公之弟又王公諱廷槐卒無子命府君嗣焉府君性敏達遇當為事輒奮往少嗜讀書嘗入臨安山中就盛先生鳴珂榮紳學盛先生以弟視之已而困於貧乃棄去通法家言遊福建無所遇歸佐知杭州府事諸城劉公純煒時為乾隆二十八年奉

詔裁漢軍入民籍漢軍多驕橫得餉輒市酒肉醉飽嬉遊無蓄積乍聞

命惶遽不自立勢洶洶府君乃請區別老壯幼為三等



寺觀僧尼護養老者其壯者給以資俾謀生幼者聽人乞養事定全活凡數百千人乙酉歲府君丁本生考又朋公艱越數年復遊福建遊河南入布政司張公鎮幕中以疾歸遂絕意進取爲養痾計居恒喜讀史書見古大臣臨大事決大議赫然而成功者揣度研究若焉有會眉目飛動於唐陸宣公奏議尤加意焉嘗書其動人以言所感已淺言又不切人誰肯懷知過非難改過爲難言善非難行善爲難數語揭於座右執友爲國學生羅先生丙宸煜方外錢先生仲舉選恒相過從移日不去多相磨礪語然竟以病廢癸卯府君丁本生妣沈太

孺人艱越五載乾隆五十一年十一月初十日未時以疾卒生於乾隆元年九月初六日子時享年五十有一配金氏孺人別有述子一坦縣庠生爲世父後服降期女一適同里陳維恒府君貌清癯目光炯炯氣嚴正無敢以非義干者嘗訓坦曰讀書在明理明理以適用如是而已嗚呼府君之所以訓坦者如此坦歷久無所樹立瑣陋舛鄙何以副府君意耶坦懼終爲不孝子矣府君既卒權厝淺土中嘉慶十六年二月二十八日始克奉府君暨金太孺人柩敬窆於皋亭山徧福寺東南爰追述行事梗槩如右不孝坦謹述

門下士填諱

本生妣金太孺人行述

太孺人金氏仁和人曾祖雲臺有隱德祖榮貴康熙初以品望重於里黨縣令某以素行端方字表其間考永發有先世風太孺人性慈順温和無厲色居恆務自儉約不妄費年二十八歸<sub>坦</sub>本生考中和府君時先大父母理家嚴謹庭除肅然太孺人佐餼如禮得舅姑歡踰年歲在乙酉大父卒喪事甫畢府君以急有所援力赴之蚤夜冒風雪得肺疾疾發氣上逆聲嗚嗚隱几不得息太孺人殫誠省視出簪珥典嫁時衣佐湯藥資疾始間亡何府君殫於衣食適河南館布政司張公<sub>鎮</sub>幕中太

孺人謀甘旨奉姑以其餘給子女午炊不足恆以薄糜  
自給時坦尚幼問曰母何為食鬻耶給曰天漸暑食鬻  
宜也不言午炊之不繼且惟恐大母之或聞也府君既  
歸里以藝鞠奕棋養痾太孺人治酒食供客雖寒儉必  
精潔癸卯歲大母卒丙午歲府君卒太孺人以坦輩未  
成立哀毀中強起視事且躬自操作如曩時自是積勞  
成脾虛疾繼得痰疾絲延數載竟致不起嗚呼痛哉太  
孺人撫坦輩極慈愛猶記數歲前坦觀書至夜分太孺  
人睡夢中忽瞿然覺據牀訶曰鼓三下矣爾未寢何為  
乎及旦起則婉言慰諭無怒色去年秋太孺人辟寒居

寢室坦或左右扶持之輒曰寒天短日兒讀書且不給  
又為老母分半日陰耶兒去母身安甚勿數數顧也及  
饋一飲一食輒又笑而言曰兒多謝爾母飲食殊佳也  
嗚呼坦不孝不能盡心敬養負慙烏烏乃得太孺人解  
顏慰勞若不欲服勞然此足以徵太孺人之慈愛有素  
靡所不至矣嗚呼痛哉太孺人生於乾隆丙辰年四月  
二十七日未時卒於嘉慶丁巳年十二月二十三日午  
時享壽六十有二子一坦縣學生為世父後服降期女  
一適同里陳維恆太孺人侍舅姑以順接府君以敬撫  
下以慈處妯娌以和臨喪與祭必以誠敬其他節約衣

食分遺戚黨諸懿行皆合古賢媛風嘉慶三年歲在戊午四月某日不孝坦泣血謹述

妣柴太安人行述

太安人姓柴氏錢塘人曾祖諱某祖諱某父諱某皆處士柴氏爲杭州望族虎臣先生以博學碩行重於時於太安人爲會伯祖太安人幼喪父母氏方太孺人鍼帶以給食年十七來歸明高府君大父又朋公性方嚴太安人侍舅姑事無鉅細皆中禮又朋公時以和顏接之越數歲不孝坦本生妣金太孺人來歸本生考中和公妯娌相依歡無間言乾隆乙酉歲不孝坦生大父又朋公謂太安人曰是當爲汝子善撫之是歲又朋公卒太安人佐府君持家事養殮不繼躬操作以彌縫之時或

典質盡以木笄貫髻無愠色事姑沈太孺人孝敬彌篤  
 姑卧病不起適屋舍前後菊花盛開太安人乃奉姑坐  
 竹輿中與金太孺人舁以循行籬落間姑喜甚顧而笑  
 舁者及女孫從者皆笑歡聲聞於隣越數年家漸起佐  
 府君理婚嫁事凡四營喪葬事凡四坦本生考妣喪悉  
 任焉瑣屑酬應賓客沓至皆經畫楚楚無不豐腆若備  
 具有素云嘉慶乙丑府君卒太安人以不孝坦喜讀書  
 不任繁碎仍躬理家事如初道光辛巳積勞成脾泄疾  
 癸未春三月疾劇遂不起嗚呼痛哉太安人性慈愛顧  
坦未有子恆憂之遇坦赴闈試輒望空拜禱曰願吾兒

無疾苦試畢乃已嗚呼坦不孝讀書不獲寸進致祿養  
 又艱於嗣子竟貽太安人憂坦今以同族晉齋先生之  
 孫春祺之子錫齡為嗣太安人身不及見坦之罪指數  
 莫盡不可追也太安人生於乾隆辛酉歲十二月初五  
 日未時歿於道光癸未歲四月初二日戌時春秋八十  
 有三以不孝坦與  
 制科題請給六品頂帶例封太安人今將諷日合葬於  
 臯亭山先考明高府君之域不孝坦揮涕述其大略如  
 右其他事具見府君墓圖記茲不復著不孝坦泣血稽  
 顙述

... 其... 墓... 碑... 刻... 石... 記... 述... 其... 人... 令... 碑... 馬... 日... 合... 葬... 所... 在... 於... 山... 之... 北... 面... 距... 寺... 東... 亦... 如... 之... 西... 至... 錢... 氏... 地... 北... 達... 于... 寺... 河... 水... 自... 東... 南... 來... 環... 墓... 而... 止... 河... 北... 岸... 為... 山... 莊... 莊... 後... 山... 峰... 屏... 立... 為... 莫... 山... 築... 墓... 嚮... 之... 府... 君... 諱... 端... 字... 明... 高... 錢... 塘... 人... 考... 諱... 廷... 椿... 字... 又... 朋... 祖... 諱... 溥... 皆... 處... 士... 會... 祖... 諱... 宗... 鏐... 國... 學... 生... 府... 君... 為... 又... 朋... 公... 長... 子... 次... 為... 坦... 之... 本... 生... 考... 諱... 熙... 當... 又... 朋... 公... 時... 家... 中... 落... 又... 朋... 公... 安... 貧... 樂... 學... 榮... 顯... 不... 介... 於... 心... 室... 前... 後... 悉... 栽... 桑... 竹... 其... 下... 為... 菜... 畦... 府... 君... 躬... 躬... 助... 灌... 汲... 不...

先考明高府君墓圖記

嘉慶十六年二月二十八日葬我府君於臯亭山徧福寺東南坦之本生考妣附焉遵府君遺命也謹為墓圖記曰墓地凡一畝有奇南盡海寧陳氏墓東亦如之西至錢氏地北達于寺河河水自東南來環墓而止河北岸為山莊莊後山峰屏立為莫山築墓嚮之府君諱端字明高錢塘人考諱廷椿字又朋祖諱溥皆處士會祖諱宗鏐國學生府君為又朋公長子次為坦之本生考諱熙當又朋公時家中落又朋公安貧樂學榮顯不介於心室前後悉栽桑竹其下為菜畦府君躬躬助灌汲不

以勞苦及其弟年五十家漸起凡殯葬婚嫁咸身任焉  
性果決重然諾嘗曰任人不必疑疑人不必任爲人謀  
無畛域事必期成而後止人以是皆相倚重嘗與富陽  
倪丈天貴善丈卒育其女於家長爲嫁之府君有姊適  
張氏姊卒撫其子同仁如己子坦弱冠時有勸坦供事  
郡庭者坦不應嚮壁而哭府君亦哭俄頃奮然呼曰兒  
我在必不以他事奪爾志復爲坦購羣經正義讀之坦  
由是得補博士弟子員嘉慶十年八月十九日寢疾卒  
春秋七十有九配柴孺人慈明惠和實佐府君持家事  
焉嗚呼坦生四十餘年矣未獲進取又以嗣續未遂爲

懼使覲然立於斯世尙得稱爲人子乎坦將勉求不愧  
不忤之道以答府君之志不敢苟且偷生已也謹記門  
下士填諱

清雨軒記

王鈍鐵先生於所居之左偏築三椽室壘石爲垣襍植  
花樹環以修竹煙靄霏微命曰清雨軒楊明府元凱曾  
以隸書榜其楣而屬垣爲之記詩小序云風雨淒淒雞鳴  
也詩人篤於交遊憂患豫防故首章曰風雨淒淒雞鳴  
喈喈既見君子云胡不夷其繼也憂虞漸迫思之深懷  
之至故次章曰風雨瀟瀟雞鳴膠膠既見君子云胡不  
瘳迨至風雨晝晦正人心兢惕之際而詩人不敢厭棄  
故卒章曰風雨如晦雞鳴不已既見君子云胡不喜先  
生博覽載籍精岐黃術於交遊尤篤好勤勤然不或舍



也癸亥秋坦患寒溼疾歷三月不瘳先生急走視治之  
以朮霍然起坦始悟軒之命名也殆不忍朋友之憂患  
故清雨焉云爾今年春坦走謝先生坐軒中左圖右史  
話故舊論古今娓娓無倦容且出漢魏六朝碑版數種  
共賞皆世所罕覩者時庭中梅華盛開芬馥隱隱綠竹  
森然當風作颼颼聲相顧樂甚坦憶數歲前曾奉命爲  
記而未有以應爰書今所得諸先生者以爲報云先生  
名兆正字聖俞鈍鐵其號也所居在清泰門外華家橋  
東畔去江二十步許

### 城南古蹟記

郡城西南隅鬱然深秀而高出於雉堞者爲雲居山由  
清波城陰而上地漸隆起康熙初吳慶伯居於此慶伯  
名農祥以博學鴻詞徵不遇藏書萬卷皆手自點勘其  
上爲莫淑叟先生宅士之讀書考古者多宗焉又上爲  
袁謝庭故居謝庭名彤以書名西下爲黃泥潭秋水一  
泓叢生蘆葦蒼茫清悄迥異城郭折而南爲查伊璜別  
墅卽世所稱識大力將軍於微時者也其亭館花木皆  
極一時之勝後舍宅爲庵曰真修再上爲鐵冶嶺一日  
鐵崖有圓阜廣數畝登之則湖山盡入望中昔人於此

發地得石碣曰楊鐵崖讀書處 國初吳求履居此求履名模有至行旁爲朱鹿田宅鹿田名樟以詩名南爲李氏層園又南爲楓嶺折而西爲雲居寺寺爲元釋中峰道場手寫像及麻鞞塵拂至今存焉吾家文敏公爲書懷淨土詩刻於石寺巔爲超然臺遺址下爲三佛泉寺門面城而立危石磊砢兩兩相倚者六曰三台石其右爲眠牛石牛作昂首狀而折其左角其西爲鷹石象峰乾隆間柳德洋教弟子於此從游甚衆因作亭以憇行者榜曰嶺上多白雲自清波而上游者多在湖光山翠中至此亭則山分路平下瞰城市晴江淨橫越山隱見

又從反照中別展畫圖矣嘉慶十四年九月戊午朔記

煙霞嶺遊記

煙霞嶺南山之長也秀氣磅礴蒼松蔚然晨光夕曦烟  
浮霞映彩錯爛編天成圖畫其地多勝蹟而岌業難登  
遊者罕至歲丙午孟春友人李青湘及其從子映衡齊  
志幽探招余偕往遂小憇石屋指煙霞而進影焉其上  
石磴陡削苔華潤滑芒屨不留才于達平處得小寺曰  
清修荒寒特甚獨寺後危石一林秀疊數仞竹箭搖風  
綠逸有致左則嘉樹青藤深翳縈密作帷蓋形遂乃藉  
草靜對覺襟懷若滌神悅心清起繞寺右潭得龍泉峯  
爲象鼻巖曰佛手井號上方莫不沁潔奇幻克肖其名

而古洞中釋像列鑄又各示我勝相曲折西上徑忽綫  
微仰睇嶺脊境益幽異因相與鼓勇而上雲松竦峙疎  
陰涼覆俯瞰陵巒環青拱翠嶺聳正中若受展謁然他  
若湖光江影越山烟渚遠近參差相爲映帶始知山深  
則景竒心苦則境闢人不精進安有得耶俯仰久之嘯  
歌而下時則斜暉欲畢松色蒼茫煙霞在望矣吾其土  
遊者罕至煮西平孟春文人李青賦文其於于知漸齊  
氣盡知深誰賦詠天苑圖書其此冬觀觀而文業曩登  
聖賢齋南山之具山亦深新齋外蔬然景光心觀歐  
聖賢齋遊記

### 北山講舍圖記

講堂精舍之名始于東漢或曰精廬或曰講舍皆學者  
從其師以研經講學之所漢世重傳經宋元主性理自  
明以來重制義於是書院之名益顯坦謂傳經者尚風  
節窮性理者尚身踐課文藝者尚立品其塗殊其歸一  
皆孟子之所謂尚志也士苟知尚志則非仁不居非義  
不行以是驗諸身發諸事業則宰一邑而一邑治刺一  
州而一州治節制一省而一省大治其要在推其類通  
其變舉其綱探其微而反己無愧而已是之謂經濟是  
之謂理學是之謂品詣然則書院之爲地重書院之講

侯晉齋文集 卷一  
席得名公卿爲之主以教其弟子則其學不墜而講席  
爲尤重吾鄉魏春松先生以經猷碩畫之才歸鄉養病  
蒞斯上者相與延主崇文書院講席者三載士皆飭躬  
砥礪漸漬以期底于有成惺惺焉不特文章之有矩矱  
已也今年冬先生將遊廣東諸弟子咸相依不忍去夫  
今之爲弟子者皆諸生也異日文章經濟果無愧于所  
傳則所以答先生者爲彌摯區區去留之蹟又何繫焉  
然吾聞賢者之所棲止草木皆芳潤有異後必有過而  
遲回追慕其教誨之善而不能自己者則今之結于心  
而不解固其宜也吳庚旣作西湖北山講舍圖 坦遂抒

其事以爲記不曰書院而曰講舍者承先生之志以示  
謙也嘉慶癸酉冬十月日

秋雪盦坐月圖記

秋雪盦坐月圖高邁盦先生爲張子麗生作也麗生遊西溪翫蘆花夜宿秋雪盦旣歸情不能已時惓惓焉先生作是圖以遺之平坡衍迤老屋三間古松倚之其外則秋水淪漣曲折盤繞蘆花瑟瑟隨風徙倚鴻雁一聲萬籟俱寂坦獲讀是圖而嘆曰麗生之意深矣哉其在詩曰蒹葭蒼蒼白露爲霜所謂伊人在水一方說者以求賢釋之王部之詩日落月滿屋梁猶疑照顏色懷友也然則麗生之志將毋思得伏處之士以副其求乎國家求賢之急乎吾聞西溪自昔多賢士選擢久慮無

有不出者然或禮問不及則未至有所待而後行則未  
肯遽至雖然苟賢矣烏有不為世用哉溯游從之宛在  
水中央坦請以是望子矣日歲星采餘錄照錄可對文  
書曰兼葭蒼蒼白露為霜沔沔流水人亦不一文皆以  
萬餘身定世蘇蘇是圖而動日靈主之意彩矣若其五  
頃林水俞豐曲泚盤盤蘇蘇瑟瑟調風泚尚歸一覽  
主非是圖以戲之平效泚蘇蘇風三問古外尚之其必  
西氣清蘇蘇亦奇林雲盒鴉龍不道与和引引語夫  
林雲盒坐日圖高蘇盒夫主為子靈主非也靈主並  
林雲盒坐日圖

聯船載書圖記

聯船載書圖者嘉興朱友鶴先生寫以寓其歸來之志  
也圖廣五尺高一尺綠樹茂密中帆檣隱見竹窻啟處  
卷帙披露書籤隨風翻轉船平移靜曳鶴一立船首矯  
頸長鳴須臾一宰堵波出樹杪上嘉興茶禪寺也此圖  
繪久矣坦意先生司鐸杭州何遽動歸興今年春先生  
歸志決坦於是進而言曰吾儒苟承齒武夫吾報報吾  
恩命握印綬不可一日無歸志無歸志則必洪忍取容  
是貪利祿而忘故鄉矣烏乎可亦不得壹託於歸志蓋  
託於歸志則必怠於心而弛於政曠廢之謂何而可哉

慢也是以古之君子準乎道得行其所守則雖白首  
暈未可告去不得行其所守卽墜粉未乾負囊而返庸  
何傷於去就乎雖然大夫七十而致仕記有然矣則君  
子之去就亦或視乎年先生曰吾之齒近矣吾將埽吾  
敝廬息吾形骸理故篋握丹鉛得以自娛且以課吾子  
吾奚爲不歸遂命老僕康東卷軸買舟以載別常所與  
遊者而行先生之來在嘉慶辛酉歲其去也以丁丑元  
司鐸十六年所識拔皆俊彥坦賤士不敢留謹爲記以  
贈

緬韻葦書圖記

倚蓮亭弄簫圖記

余友章子鹿巖性恬靜狀貌特奇偉須髯鬢鬢長尺許  
望之若古畫圖中劍客然喜彈琴按笛而尤嗜洞簫其  
聲清遠流利抑揚曲折別有神會與之遊者皆呼爲簫  
髯簫髯云嘗語人曰吾家有隙地在郡城湧金水門之  
左瀕西湖多芙蓉湖上山奔馳飛舞而前可挹而取也  
吾將構亭於其間取明詩人徐有恆醉倚蓮亭弄玉簫  
句名之曰倚蓮亭而以時自娛焉善畫者競爲圖以遺  
之圖凡五大率烟樹蓊蔚湖光渺渺深嵐淺碧間彷彿  
簫聲嘹亮振動林木水波汨汨若助其餘韻焉者因屬



坦為之記坦謂古之八音皆悟和幼眇祛煩囂涵淳樸  
洽人心性未有過為清響鼓一器而眾音若為之過者  
今之洞簫其聲清而過高母乃非古人制樂之旨乎然  
吾嘗求其故矣列子書說韓娥東之齊匱糧過雍門鬻  
歌假食既去而餘音繞梁櫪三日不絕夫樂器所以佐  
歌也歌聲若是則其器亦因之而嘹亮勢使然也古之  
人務在修己其於功名富貴俟其自至未嘗有切切求  
焉者三代而下惟恐後時古今學術升降之端有莫可  
挽者豈惟音樂為然趨之也捷則其過之也急洞簫之  
嘹喉清遠其亦振起高曠之懷而使其性情超超出俗

乎故曰凡音之起由人心生也章子諳音律其有以知  
之矣道光壬午正月日記



日造日六月黃吉其二作隸書其二作篆書爲題識姓氏者六曰褚謁者曰陳叔惟曰賀信曰章氏所作曰章先作記曰噲壁惟褚謁者甄特書官爵審爲墓誌之屬餘則當爲陶旅人之表識也爲古泉文者二十一率多六朝厭勝品有泉志所未錄者爲方勝者二爲人形者四爲雙魚者一悉奇愕有致蓋訪求十易寒暑而後顏垣廢壤空山古寺之奇蘊畢獲焉大抵晉人篆隸循兩漢之跡不可準以六書而楮墨間長短疏密參錯旋轉逸氣橫飛咸具章法恐後人極力爲之終未臻此因手自摹拓裝爲一冊雖荒殘磨滅之餘文字僅存竊喜六

日朝風味獨有會心呵凍書此以誌余癖嘉慶五年臘月

吳堯圃山水畫冊記

揚州吳堯圃麀爲釋氏定猿作山水冊凡十葉皆以渴筆爲之蒼雅秀勁極雲煙縹緲之致其一陂陀衍迤古樹錯雜作丹黃色崖下檣一二小舟若有所待而未行者其二爲高山平臺有客藉草而坐俯臨大江風帆隱隱遠山一抹與天無盡其三爲老樹一拔起巨石間高十數丈禿無枝葉槐梓倚之淺渚邊有客方垂綸而釣其外湖光萬頃矣其四岡阜怒躍長松修竹颼颼作聲人踪杳然其五作複山湖水間之其山之在水陽者瀑布懸注可指其六高梧斜倚巨石磊砢有老翁曳杖而

行際空白雲卷舒無定其七若寫山從人面起雲傍馬  
頭生句者長林綿亘竒峰陡矗林間若有路一人跨蹇  
驢過之其八九皆平臯古樹帶以遠山簡淡若雲林筆  
意而九葉煙雨濛濛點滴欲墜其十葉頗類黃山雲海  
兩人登平頂視之相顧而語司空徒所謂荒荒油雲寥  
寥長風者庶乎近焉坦性嗜山水然所歷僅百餘里清  
泉怪石林臯巖壑時或遇之至瑰竒峻險之境身未之  
接此冊殆有爲我先容者於是益嘆吳氏之筆墨靈變  
能發造化之奧藏也定公曰然遂屬坦題曰十無盡藏  
并爲記其略如此嘉慶戊寅二月四日

吳槎客先生校正笠澤叢書記

笠澤叢書舊刻本不傳久矣近時有吳門顧氏新雕本  
字畫精好然諦審之譌謬屢見海寧吳槎客先生初借  
吾鄉郁氏本以勘新雕本復校以拜經樓自藏本及林  
厂山本海鹽吾以方本秀水蔣春雨本凡五校初用硃  
筆次綠次藍次墨未復用硃而以蔣本二字別之又以  
文苑英華唐文粹參校用黃色筆及硃筆合諸前五校  
爲七先生於是書可謂勤且密矣郁氏本拜經樓本林  
氏本蔣氏本皆舊抄吾氏本則陸鍾輝所刊吾氏据宋  
本校正者也郁本有元人王益祥跋卽都元敬据以付

刊者然無元敬跋則或抄自元刻無謬誤可依據其篇  
次不與顧氏新雕本合

如記錦裙在丙集首迎潮送潮  
辭在丁集首憶白菊及閒吟二

詩缺重憶白菊詩在丙集末求志賦下  
接問吳宮辭王益祥跋在陸惠原跋前拜經樓本分七

卷補遺一卷凡八卷直齋書錄解題云蜀本十七卷蜀  
人樊開所刊文獻通考云七卷十當爲衍字則七卷爲  
蜀本無疑矣特補遺一卷未知何人編入或書錄解題  
及通考不數補遺耳前列魯望自序無樊序殆佚去案  
魯望自序云不類不次混而載之得稱爲叢書則分甲  
乙丙丁者陸氏原書式也以詩文分類析爲七卷者樊  
開所編也特字句較各本殊勝林氏本者後有阮林跋

云得龔蘅圃抄本校然不知出自宋元人何本無勝處  
不可信吾氏本訂譌僅數處想多與郁本合蔣本分上  
下二卷篇次與新雕本同惟少耒耜經一篇字句無謬  
足爲郁本之佐證若顧氏新雕本先生以爲似從黃俞  
邵本出卽王貽上初得本也其中紀錦裙蜀本作記錦  
裾先生證以吳融詩謂作裾者是送豆盧處士謁宋丞  
相序先生以丞相爲豆盧瑑有宋字者謬皆確不可易  
坦旣借得校本手自繕寫浹辰始畢爰述其校勘次第  
各本優劣以質諸先生且以志嘉惠云嘉慶十六年十  
月廿三日記

各本題詞以實諸去主且以志嘉惠云嘉慶十六年十  
 月間計開蘇本手自蘇寫與吳故舉表其殊勝於策  
 開宗去主以丞所漁豆蘇海序宋字奇獨皆節不問是  
 詩次主選以吳編詩歸非蘇昔吳豆蘇與士馬宋亦  
 海本出唱王韻士吟野本出其中殊論詩圖本非指蘇  
 或論補本之卦蘇昔蘇月蘇蘇本去主以蘇以蘇黃倫  
 不二卷蘇大與蘇蘇本回蘇少宋蘇蘇一蘇字向蘇蘇  
 不同詩書及本信蘇蘇蘇蘇蘇蘇蘇蘇蘇蘇蘇蘇蘇蘇  
 云蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

雲陽洞北小港記

自雲陽洞口北行四十步得小港港之上芳樹叢生涼  
 樾低蔭港水得樹陰綠淨沈深隨風搖漾沿港而西竹  
 籬映水古屋參差時疏雨乍過新筍解籜薔薇盛開人  
 語不傳惟聞山鳥喚晴草蛙鳴動而已村之側有山山  
 有石峯如覆鐘壘石其上若碁局然俗名碁盤山閒嘗  
 考之殆霍山爾其峯蓋慶忌塔之趾也聶心湯錢塘縣  
 志云寶稷之支為霍山有慶忌塔田汝成西湖遊覽志  
 云前有石池深不可測今山形與志語印合昔人洵不  
 余欺也峯之陽不數武下視懸崖百尺石壁繞池壁如

玦池如鏡如匳初啟然遂循崖而下臨水坐坐甫定忽有聲自壁內山各肖其人之聲同遊人相顧錯愕始知陸雲士所記小語小應疾語疾應譁然叫嘯荅響滿野驚疑景况語極真也隨山東折卽港之陽土阜隆然起者爲金祝墓其廟在港南小溜水橋上嗚呼昔年血戰之地今日徒見山高水清惟留此叢祠報賽奔走野老村童其亦知勤事之酬耶爲誦詩曰小步笙歌明社火大招風雨下靈旗太息而返

慈雲嶺奇石記

自慈雲嶺折西二里許爲龍山里許有奇石一叢坎軻夾路而奔其凝結處則環而爲城豁而爲門隆然而爲堡爲營其他白石又或依違向背不一其形有拱者有仆者有斜睨而視者有若卒士之執兵而左右者有若羣馬之奔而逸者有若偉丈夫相聚質難者或恐而縮或勇而搏或大小相乘或妍醜相陵大抵若晉魯諸大夫攻偃陽各欲自獻其能幾令觀者目不暇給指不暇屈口不暇說而心亦恟恍不暇接第見青松白雲斜陽翠靄與可喜可愕之狀相爲磨盪而已噫異



哉石亦幻至此極耶昔人謂慈雲奇石剝剝殆盡不知  
奇石固在好奇者或未之遠探遂使荒茅苦竹隱蔽不  
彰可勝浩歎予既搜其奇遂走筆以記呈諸同志庚戌  
正月九日

### 小林看菜花記

乾隆庚戌二月望日小林范文振聞招余以書極言邨  
郊韶麗狀時余欲縱觀寶石山緋白桃華辭不往越五  
日丈復遣急足來且曰菜花黃矣子奈何不一至耶余  
感其情之摯遂買一小艇往小林去郡城五十里其俗  
緩以和其地平而秀至之日桃李適半殘而臺菜花果  
著色正盛遂相與拉二三野老持酒携核登高快賞第  
見彌望花光燦金闕日眩人心目薄靄甜香復自氤氳  
浮動時或隨暖風冉冉著衣袂間凝而不散頗覺可人  
遠則參差邨廟間以碎白零紅錫簫社鼓聲恒隱隱從

林隙而度因笑謂范文曰是殆怡我以田家鼓吹耶予是相對歡甚恣情暢飲忘機合化醺然陶然始相與扶攜而下其集飲處土人呼為女兒塚或曰兩晉時巨室墳也并記之以俟考

蘇以味其此平而委至之日林李處半數而臺菜亦果  
悉其計之華蓋買一小婢封小林古橋湖正十里其谷  
日女戲戲急只來且日菜其黃矣予茶可不一至而余  
校論蘇州制余為難歸寶古山操白林華編不其遊正  
薄劉與女二民望日小林茂女亦聞餘余以書錄言

小林香菜茶店

寶石山桃華記

余嘗謂武林桃華莫麗於六橋莫繁於臯亭然皆有以奪之而未得全其勝當春雨乍霽旭日朝升湖上諸山煙嵐黛碧湖光鏡明隄上華輕盈欲語情韻嫣然顧瞬刻閒雕車寶馬轆轤馳逐羅綺翠鈿光耀相錯直欲與花爭妍競勝莫或相下是謂入于治臯亭則塘迫大河客舫鹽艘連絡而至其他負戴者邪許之聲前後相屬雖晴霞一片極目無際其如塵壒何是謂奪於涵寶石山童園負石而踞壑石皆巨皆拔地數丈許其橫亘若列笏然石根多古松松外韶光透露輕雲暝日閒若錦

若屬天桃爛然矣有淺紅者有白者有絳者其白者風  
度絕明秀東風乍起枝葉低昂落英零亂遊其地者  
灑然不作塵世想乙卯二月余與朱子開泉周子冲泉  
往遊焉是日開泉樂甚歸作寶石山桃華圖并屬除記  
其事

寶石山桃華記

月輪山北石澗記

自月輪山北行二十步兩山險闢奇石墨起巉巖若斷  
齧其中爲石澗窄而深修里許澗泉自山半出薄巨石  
下隨勢曲折歷數級始渟爲淵風或乍起飛泉悠揚濺  
珠噴沫青柯紫蕤旖旎搖蕩煙嵐靡然溯澗而上石益  
隘泉益壯倚樹靜聽若暑夜大雨從空瀉注砰訇振響  
凡澗畔松濤鳥鳴悉奪于水聲殆闐然無聞焉境幽甚  
惜獨游無侶遂出數步却顧有若匹練懸空出松杪上  
其高百仞矣西湖遊覽志云月輪山之北有毛湫峪或  
卽指此嘗謂武林山水秀甲寰宇獨瀑布罕觀類瀑者

僅獲此故書嘉慶六年四月初  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日  
其高百尺矣西陝藝覽志云日

日禪山北石殿記

楓林記

凡山川奇秀之氣無所洩則發諸艸木其尤靈秀者艸  
則有芝木則有楓余家城西去雲居一里而近山多楓  
其西麓曰楓嶺楓凡數十株皆四百餘年物相傳爲元  
釋氏中峯手栽當春夏之交枝葉暢茂蒼蔚深杳日夕  
煙霏拱立環向宛若神鬼卽而翫之其本轉困其枝詰  
屈翹者鳥翔靡者獸踞旋繞而延舒者蛟蟠螭舞慘娑  
糾結又若戟衛燾植儼不可犯攷諸傳記曰楓叟曰楓  
人或曰其根多虎魄能致風雲感雷雨幻神怪是謂靈  
楓今則寺僧不戒多被斧斫豈惡其靈異而伐之歟抑



不漏影其下籜葉積寸許與苔蘚相錯雜自下而望翠  
煙濛濛欲致山雨遊者輒驚却疾去既達嶺下斜日滿  
野雲物晴美始悔曩者之返為竹陰誤耳某年月日記

遊聯峰禪院記

余遊聯峰而得自然之理焉院在南高峰之西麓自上  
而望竹陰團密幽窈深邃不露屋角至其地則竹徑脩  
潔奇峰林立儼若步障石隙多嘉樹枝葉披拂颺颺作  
聲據石而坐悠然而遠曠然而怡不知情之偶契歟境  
之引勝歟冲然而莫或違也俯仰左右則藩以竹扉以  
柴屋以質素山僧二三皆以茶筍為業真率而無慕乎  
世於是知境之出於自然者真真則朴朴則無機心而  
天趣全矣乃呼童子煮山泉啜茗而別同遊者友人范  
介茲嘉慶己巳秋八月廿一日記

不勝其美已巳州人月廿一日  
 天邊金井石井盤行繞山泉  
 世欲是時為之往來自然  
 樂道以買素七卷二三皆以  
 之已無嫌於燕回莫友  
 黃粉石面坐於燕回莫友  
 藏奇秘林立對法苑  
 而望以高園家  
 余遊湖地而自  
 遊湖地而自

清泰門外桃花記

庚午春二月乘肩輿訪臧在東先生於仁和場署中時  
 宿雨初霽郭外蔬圃青翠相接屋角水邊桃花或三兩  
 樹或五六樹靚麗含新春光迸露因念天地生物之氣  
 畢見於春而於桃華為尤著不必夾岸數十步山巔數  
 百株生氣已自淳然不可遏抑故月令以為二月之候  
 詩以興之子子歸情之所觸有以也夫壬午春日補記

門外桃花記  
 庚午春二月乘肩輿訪臧在東先生於仁和場署中時  
 宿雨初霽郭外蔬圃青翠相接屋角水邊桃花或三兩  
 樹或五六樹靚麗含新春光迸露因念天地生物之氣  
 畢見於春而於桃華為尤著不必夾岸數十步山巔數  
 百株生氣已自淳然不可遏抑故月令以為二月之候  
 詩以興之子子歸情之所觸有以也夫壬午春日補記

每以興文子十餘年之節節自公也夫士之春其節節  
百林主原已自存然不可圖時也月今以為二月文  
畢良於春而於林華為大春不必文其幾十沙也  
樹也五六樹隨風含綠春大後雷因念天也主也人  
許雨以雲臨於蔬園青翠時對到前水盡林於友三  
夷平春二月乘風興高燥五東出主於二月時對中  
高泰門也林於信

紀朱文端公佚事

康熙間高安朱文端公來撫浙會大旱禱雨無應吳山  
故有城隍神肖像以祀公乃詣神告曰神古之社公也  
天久不雨禾殆橐民將無所得食為百姓請命於天神  
之職也軾撫莅此土與神請命於天者軾之責也軾治  
無善狀心涉私當受譴乃以銀鐺繫頸與神暴烈日中  
俄頃雲合雨大注公嘗痛杭人婚嫁之侈勝於路日納  
聘以紅綠布穀用四品違者罰婚娶者相繼起一日肩  
輿過屠人門其妻方櫛沐公曰為屠人婦乃晏起令往  
署中見公夫人暨公女皆衣布衣躬紡績櫛沐畢久矣



婦大慙自是民無晏起者

紀災賑

道光三年夏四月至秋八月浙西多大雨水泛溢去北郭十里平地率高四五尺太湖不能攝於是杭州湖州及嘉興諸縣皆汪洋無際以達於江南至冬十月水始漸退田禾既沈沒園圃瓜匏蔬菜無一存者民大恐是時湖北黃梅帥公巡撫浙江公聞雨作輒中夜旁皇引罪自責遂以狀聞諸

朝

天子惻然念民疾苦發帑金二十萬兩截留漕米四萬石且令各州縣出常平倉穀平糶以贍之軍民賴以安

無一餓孳者公於賑卹之際謂災賑不當假手胥史乃  
擘畫條理俾臻至善平糶則區分都邑按戶口多寡以  
定糶數令里民赴倉載米計其遠近給以路費十日則  
納米價於倉復載米以歸閱兩月而糶竣司其出入者  
皆廉能官也賑卹則以銀里長赴縣支取縣令與委員  
坐堂皇給之月終則一給以八月九月撥平糶以十月  
十一月十二月散賑卹以四年正月贍加賑以二月三  
月發捐賑捐賑者巡撫公以下及紳士捐助者也加賑  
者

朝旨矜民之困展賑一月也凡八月而賑事畢舉昔日

糶廠粥廠諸弊皆剔除不復用而民謐然以靜歡然以  
頌若拯諸深淵而登諸陸地者然是時江南巡撫仁和

韓公文綺議請暫蠲米船關稅以來遠商疏入

詔允其請於是長江米船鳧集江浙善米石率四兩坦  
讀蘇文忠公奏議集公為杭州太守日值水災與今同  
公請買穀平糶及請蠲五穀力勝錢疏凡數上始得請

惟我中朝仁覆寰宇視民如子各省災賑疏朝入夕報

可且發帑金賑卹開倉平糶蠲關稅十數萬金無一遲  
留誠千古之

盛軌也。巡撫帥公於災賑既定，以四月入

覲。

天子寵賚有加。秋七月，復蒞浙。九月，以父憂去任。出其  
鹽政中節省羨餘八萬金爲開上河濬西湖脩祠廟充  
普濟堂補書院經費之用。坦居菰蘆中，喜  
聖主得賢卿相爲之佐。喜災黎得更生，喜逾歲爲大有  
年而願浙江之民咸識之。■不忘故撰次其事。

重修宋鄂國岳忠武王廟碑

擬作

皇帝御極之元年，詔祀各直省先聖賢祠。墓且  
命守土臣以時修葺，崇聖道，恤名臣。

德澤汪濊，率土稱慶。杭州西湖之陽，有南宋岳忠武王  
祠，制甚閎，厥歷歲既久，丹漆黯淡，榱桷蝕腐。於是巡撫  
公而下，共謀修治。諏日命工，木石山積，新之易之。逾時  
告竣，金碧璀璨，豐翼峻整，若逾舊觀。展謁者僉曰：自漢  
而下，名將挺起，武功丕振者，不必如王之忠烈。忠烈奮  
發者，不必如王之武功。南宋偏安，克守社稷，實賴二三  
臣工輔翼楛柱，而王之威武忠烈爲之冠焉。乃篆其事。

於中庭麗牲之石曰

長江天塹南國之紀實賴英豪為之表裏建炎之初宋  
室靡定統制江淮岳軍稱勝豫敗于唐請復中原王奮  
其志雲夢足吞挈曳于檜斷指折矢山嶽可移此志不  
徙一隙之明賜札委卿曰臯曰寶經畧西京河南克復  
長驅旆旌相期痛飲豐功且成何為金牌促我旋師我  
師不旋拔扈之訾父老攀車擁兵不前殿留五日以俟  
南遷王之仁勇全於是焉和議之成惟檜主之名器可  
貪良臣不思王在軍中雅歌投壺屈節下士恂恂之儒  
解柄悠游足以全身報國之涅吾欺鬼神三字獄成棲

霞埋骨歷數百年過者豎髮分屍有檜鑄奸有鐵繫古  
有祠護此碧血

天子有詔崇祀孔明牽牲奠爵殿廡崢嶸白石齒齒翠  
瓦鱗鱗靈旗闇然明湖之濱誰實葺之持節大夫銘之  
樂石用為德符

汪漢郊墓誌銘

嘉慶二十一年十月十八日仁和汪君家禧卒明年十  
二月十三日祔葬于錢塘縣留下鎮青龍山之原趙坦  
謹爲銘曰君字漢郊穎敏特異於書無所不窺尤長七  
略之學辨析古籍得古人撰述之旨無豪髮爽試輒竒  
名日著君無斯須矜色坦時以所疑就質剔抉理蘊辟  
塵脫翳洞豁軒露坦益愧不及君語且益謙同席者或  
睨視而笑君徐徐起嗚呼以君之學之博大精微卽奔  
走天下士當無不心惻者而乃困厄終身年四十二而  
卒古今博文有道之士亦有窮厄如君者乎嗚呼鮮矣

君於浙之先賢者舊崇祀正氣遺愛先覺三堂者按其遺聞佚事爲志數十卷作爲古文辭匠心結構醇肆古茂不闖入唐宋圍範中嗚呼君之文固無不傳者君亦少慰矣哉先世爲歙之巖鎮人遷杭八世矣順治間廬墓南屏山旌稱汪孝子之墓者是爲七世祖曾祖諱廷元仁和學廩貢生祖諱成瑞廣西布政司經歷父本恕國子監生君杭州府學廩膳生甫及貢而卒父匍匐於堂妻號哭於室無子友人陳善胡義許乃毅相其喪葬而屬其祭祀於從子修麟系白

汗而祇以文學傳也嗚呼



二箴并序

坦念學問之道不躁不怠乃能有得爰作二箴以自勵非敢傳於人也

躁箴

精金百鍊乃成寶力古鏡湔磨乃鑿秋豪淬之以漸涌之以功心與道會是謂明通德由層累學或畢生苟涉於躁必隳其成蟻緣不已登彼樹顛鷹搏不已翻摩蒼天孜孜業業不畫於年成匪由吾志定於己不急不怠跬步千里水自有蜜菜自有茶各安吾素毋越其塗尋彼墳典深沈若海駭焉而退毋亦氣餒爾趨不歧爾守

不改雖介庸愚將迴主宰昔在愚公志欲移山山何能  
徒其志可攀大道匪峻階級相循以日以月仰步先民

角弓之弛鞞則繫之韋帶之寬鈎則縈之如何學業泄  
以成之昌鼓而緩敏之無聲範鍾而學擊之不宏我尺  
我寸乃至尋丈我鈞我石始於銖兩匪勞胡獲匪勤胡  
積畧刻之陰古人所惜智井日濬乃出甘泉礲田日闢  
聿有豐年詩書之味密則挺焉年不益長髮不益白飽  
飫而嬉桑榆是擲嗟爾下士人不爾知不知而荒昧者  
有辭知實在人為實在己莫知而勵心無愧矣

積經堂馮  
世昌承刊